



Ensemble vocal
Incantanti sut la
direcziun da
Christian Klucker.

MAD

«Schläft ein Lied – in allen Dingen»

Igl ensemble vocal Incantanti prepara concerts cun ovras dil cumponist Benedetg Dolf

■ (cp) Suerter ina primavaira plain eveniments va i enavant in suenter l'auter per l'ensemble vocal Incantanti. Gia stattan ils concerts cun chanzuns dal cumponist da Val Schons Benedetg Dolf davant porta. Il program classic a capella, cun concerts a Cuira, Andeer e Tumein è il project da coc per ils giuvenils. Correspundentamain intensiv èn sa fatschentads ils chantadurs e las chantaduras cun questa litteratura en ils mais passads. Ina giada dapli ha Incantanti engaschè sustegn professiunal. La pedagoga da vusch belgia, *Livia Cuypers*, è s'occupada dals giuvenils durant trais dis. Ella ha instrui singul sco er en plenum. Plinavant avain nus tar las lavurs da prova ina giada dapli pudì profitar da l'experiencia da *Karl Scheubert* sco coach e corepetitur.

Il titel dal project

«Schläft ein Lied – in allen Dingen» èn ils emprims plets or dalla poesia enconuscenta «Wünschelrute» da Joseph Eichendorff. Il dirigent *Christian Klucker* ha scuvi questa poesia enguttada en la stiva da Benedetg Dolf, cura ch'el ha visità sia stiva a Rofels en il rom da sia lavur da matura. En connex cun il cumponist Benedetg Dolf na dorma betg mo ina chanzun, mabain tschients. Dolf ha cumponì enfin a sia mort il 1985 pli che 900 chanzuns per chor e solists sco era ovras per clavazin, musica da chombra ed orchester. Ina massa da questas cumposiziuns è proba-

blamain enfin il di dad oz mai u rar vegnida preschentada. Cun quest project emprova l'ensemble vocal Incantanti da levar quest bain cultural or da la sien da l'emblidanza e d'animar er autras furmaziuns en il chantun da sa confruntar cun quest bain d'alta valur da chanzuns indigenas.

Lungatg da sun caracteristic

La musica da Benedetg Dolf sa caracterischa entras quai ch'el ha sviluppà per blers poets in agen, persunal lungatg da sun.

Al linguatg amar da Huggenberg, influenzà da la guerra, stat il linguatg metaforic da l'anterior directur dal seminar grischun *Martin Schmid* cuncontrast. Quai rbatta direct sin la furma da la cumposiziun e sin la direcziun da la melodia. Benedetg Dolf ha cun gronda lavur fastisà perlas da text rumantschas e tudestgas ed ha mess quellas suenter en musica – en medem mument è el però er adina sa servi dal stgazi da la litteratura mundiala tras quai ch'el ha reprenì litteratura da Goethe u Eichendorff.

Incantanti a la tschertga da fastizs

En quest project sfunsa l'ensemble vocal ambizius en il mund da suns da Benedetg Dolf ed emprova d'attribuir a questas expressiun. Cun concerts ad Andeer e Tumein tunan sias chanzuns en dus lieus d'actividad centrals dal cumponist da Val Schons, cun ils quals era noss dirigent è collià. Suerter la fundaziun

da l'ensemble, avant radund 15 onns, ha la lavur da prova cunzunt lieu en la scola chantunala a Cuira – en il medem lieu ha Benedetg Dolf sez visità il gimnasi e suenter lavurà blers onns sco scolast da musica. La collavuraziun cun il clarinettist da Val Schons, *Josias Just*, nua ulteriuras colliaziuns cun l'affecziun locala da Benedetg Dolf. Il clarinettist da solo accompogna la «sept comptines de l'oiselier» dal cumponist genevrin Jean Binet che porta cuncontrast a la litteratura rumantscha indigena en noss pogram da concert.

En collavuraziun cun il Radio e la Televisiun Rumantscha RTR vegn Incantanti a registrar in DC cun las ovras da Benedetg Dolf. Il 2013 ha l'ensemble vocal Incantanti gia produci in DC cun chanzuns da Tumasch Dolf – davent da l'october vegn da mai er ina elecziun cun chanzuns da ses fegl ad esser disponibla en furma dad in portatun digital.

Datas da concert

Venderdi, 26-08-2016	20.00
baselgia Heiligkreuz Cuira	
Sonda, 27-08-2016	20.00
concert spezial* baselgia reformada Andeer	
Dumengia, 28-08-2016	17.00
baselgia Tumein	

* Concert en il rom dad ina festa dad inauguraziun da la baselgia renovada
program adattà – dumber da plazz limità